

東萊呂太史文集

一



據中國國家圖書館藏宋嘉
泰四年呂喬年刻元明遞修
本影印原書版框高二十
一·三釐米寬十六·三釐米

版東萊呂太史文集

冊一第

據中國國家圖書館藏宋嘉
泰四年呂嘉年刻元明遞修
本影印原書版框高二十
一三釐大寬十六三釐

東萊呂太史文集
第一冊

東萊呂太史文集目錄	第一卷	詩	詩古	清遠山郊	城樓	石
-----------	-----	---	----	------	----	---

東萊呂太史文集目錄

第一卷

詩

許由 福

清曉出郊 福

城樓 福

西興道中二首

晚望 信

春日七首

登八詠樓有感

富陽舟中夜雨

野步

晚春二首

明招雜詩四首

游絲


夏日 葵 紹興二十七年

鄭武子刪定挽章二首 克

又二首 代父倉部作

陳庭堅聘君挽章二首

鞏采若府推母錢夫人挽章二首



葉子山右史父宣義挽章二首

寄章冠之

送柳嚴州解官趨朝楹

送宋子華通判長沙有代叔祖知錄作

東陽郭彥明挽章

李粹伯侍御母夫人挽章

王龜齡詹事挽章二首乾道七年

尚書汪公得請次對奉祠餞者十有四人分

韻賦詩某得敢乾道七年正月二十八日

送丘宗卿博士出守嘉禾以視民如傷為韻

乾道七年正月

魏元履國錄挽章二首淳熙元年七月二十日

祭酒芮公既沒四年門人呂某始以十詩哭

之淳熙元年

送朱叔賜赴閩中二首淳熙元年

周主管挽章汝能

周尚書挽章執羔

楊郎中挽章二首洵

蔣秘書世脩父朝奉挽章

蘇仁仲計議挽章二首師德

向運使挽章

酬上饒徐季益學正 淳熙二年

何茂恭母王夫人挽章

夜宿浦城魚梁徐刪定驤之子出示林謙之

挽其父二詩時謙之方按刑廣東有懷次

韻 淳熙二年四月二十八日

題劉氏綠映亭二首 淳熙二年

題歸菴

王通直挽章 淳熙二年八月

劉梧州挽章 淳熙二年八月

許著作挽章 蒼舒

次韻葉丞相陳尚書遊南園 淳熙三年春

宣城李君嘗遊東湖居士之門袖詩見過次

韻以謝 淳熙三年夏

何叔京挽章二首 錫 淳熙三年

魯少卿挽章 崇 淳熙四年春

蕭祭酒挽章二首 之敏

送喻叔奇通判會稽

與同館遊張氏園分韻得日字 淳熙五年

送胡子遠著作出守漢州分韻得行字 淳熙五年

薛子雲左史母方夫人挽章二首

淳熙五年

端明汪公挽章二首

淳熙五年正月

趙路分挽章二首

子直之父

陳少卿挽章二首

舉善

恭和御製秋日幸祕書省近體詩

淳熙五年

賀車駕幸祕書省二首

第二卷

表疏

代倉部知黃州謝表

代倉部知池州謝表

代叔父知南安軍謝表

代叔父知南安軍謝表 太上皇帝表

代舅曾史君知筠州謝表

代舅曾史君知廣德軍謝表

代倉部知吉州謝表

為張巖州作謝免丁錢表 乾道五年

為虞丞相作辭冊寶進封表

為梁參政作辭冊寶轉官表二首

為虞丞相作辭郊恩表

為梁參政作辭郊恩表

為宰臣作端誠殿賀南郊禮成笏記

為芮直講作慶王辭增邑表

為芮直講作慶王生皇孫錫名謝 太上皇

帝表

為芮直講作慶王生皇孫錫名謝 太上皇

后戕

為梁參政作乞解罷政事表二首

以上並乾道六年七年

為汪尚書作知平江府謝表

為韓尚書作知建寧府謝表

禮部代宰臣以下進 三祖下第六世仙源

類譜 仁宗皇帝玉牒畢賀表

以下並淳熙五年

代宰臣以下進 三祖下第六世仙源類譜

畢賀 太上皇帝表

代宰臣以下賀 車駕幸祕書省表

代宰臣以下謝賜冬衣表

代宰臣以下冬至賀表

代宰臣以下冬至賀 太上皇帝表

代宰臣以下賀雪表

代宰臣以下賀 太上皇帝雪表

代宰臣以下謝賜喜平夏表

代宰臣以下會慶節 以聖道場開啓疏

滿散疏

進功德疏二首

進所編文海賜銀給謝表

第三卷

奏狀劄子

為張嚴州作乞免丁錢奏狀

乾道六年輪對劄子二首

淳熙四年輪對劄子二首

進所編文海劄子

辭免除直祕閣劄子

辭免再除著作郎劄子

辭免除參議官劄子

第四卷

啓

代倉部知黃州謝宰執啓

代倉部知荊州謝侍從啓

代倉部知夔州通張魏公啓

代倉部知池州謝宰執啓

代倉部荅池州教官啓

代倉部通吉州交代錢吏部啓

代倉部通吉州胡邦衡侍郎啓

謝軍諫議舉自代啓

謝陳尚書舉自代啓

荅詹秀才啓

荅侯秀才啓

舉取州

中兩科謝主司啓

除太學博士謝陸丞相啓

通柳嚴州啓

通嚴州鄭教授啓

通張嚴州啓

除館職謝政府啓

荅特奏趙狀元啓

為汪尚書作知平江府謝宰執啓

代倉部通曾氏定婚啓

荅潘氏定婚啓

通潘氏定婚啓

代右司叔父荅李氏定婚啓

代汀州叔父荅李氏定婚啓

通芮氏定婚啓

第五卷

策問

太學策問

策

館職策

第六卷

記

台州修城記 淳熙二年十月朔旦

撫州新作浮橋記 淳熙二年十一月

秀州陸宣公祠堂記 淳熙四年四月朔旦

秦州修桑子河堰記 淳熙五年二月

白鹿洞書院記 淳熙六年十月初吉

重修釣臺記 淳熙七年五月

序

戴衍字序 乾道五年夏

洪無競字序

李仲南集古錄序

大事記序

八
陳同甫厲齋銘

陳同甫恕齋銘

贊

薛畏翁真贊 乾道六年

從祖父揚帥真贊

辭

潘自厚命字辭

第七卷

題跋

書楊次淵之父所藏舊游諸公手簡後 乾道

五年四月十四日

書校本伊川先生易傳後 乾道五年

書薛畏翁訓飭諸孫詩後 乾道六年

書趙路分行實後

代宰臣虞允文恭書 御書崔寔政論下方

乾道七年

書袁機仲國錄通鑑紀事本末後 淳熙二年二月

題近思錄 淳熙二年

書伯祖紫微翁外祖曾文清公所寄許子禮

吏部詩後

淳熙五年二月

書伯祖紫微翁贈育溪先生子詩後

淳熙五年二月

書焦伯強殿丞帖後

淳熙五年三月七日

代宰臣史浩等恭書 御製秋日幸祕書省

近體詩下方

淳熙五年九月

書鹿鳴之五送謝光中題其後

淳熙七年三月

書伯祖紫微翁與曾信道手簡後

淳熙八年

書所定古周易後

淳熙八年

第八卷

祭文

代倉部祭張魏公文

代倉部祭魯文清公文

為劉衢州作祭趙忠簡公文

或云非太史作

祭潘子高文

祭蔣從道文

祭陳耀卿文

祭潘朝散文

祭芮祭酒文

乾道七年

祭方季肅文

乾道七年

祭于悅道文

祭滕文卿文

祭徐堯臣文

祭潘昭叔文

祭徐宗卿文

祭魯秀才文

祭詹子齊文

祭邢邦傑文

祭汪端明文

祭張李清文

祭邢邦用文

祭沐宗丞文

祭張荊州文

祝文

立鄱陽府君後告廟文二首

第九卷

行狀

故江朝散郎徽猷閣待制提舉江州太平興國

宮江都縣開國子食邑五百戶致仕贈

通議大夫王公行狀

第十卷

淳熙元年十一月十三日

淳熙二年

淳熙三年春

淳熙三年三月

淳熙四年四月

淳熙五年夏

淳熙七年春

墓誌銘

湯教授母潘夫人墓誌銘

代倉部作 乾道元年二月 乾

金華毛君將仕墓誌銘

乾道五年十月

松陽葉君墓誌銘

乾道五年

潘朝散墓誌銘

乾道六年五月

義烏徐君墓誌銘

乾道七年二月

祔韓氏誌

乾道七年六月

蘭溪葉君墓誌銘

乾道七年十二月

宜人郭氏墓誌銘

淳熙九年

義烏樓君墓誌銘

淳熙元年

薛常州墓誌銘

淳熙元年

第十一卷

墓誌銘

金華戚如圭母周氏墓誌銘

淳熙元年五月

大梁張君墓誌銘

淳熙元年六月

金華汪仲儀母王氏墓誌銘

淳熙元年八月

喬德瞻墓誌銘

淳熙元年十月

淳安盧君墓誌銘

淳熙元年十一月

義烏陳錫母朱氏墓誌銘

淳熙元年十一月

分水王君墓誌銘

淳熙元年十二月

金華汪君將仕墓誌銘

淳熙元年十二月

通判沅州劉公墓誌銘

淳熙二年七月

金華曹君墓誌銘

淳熙二年九月

第十二卷

墓誌銘

嚴陵方君墓誌銘

分水徐君墓誌銘

劉梧州墓誌銘

永康陳君迪功墓誌銘

金華曹君將仕墓誌銘

並淳熙二年九月

永康王君墓誌銘

淳熙二年十二月

金華時君德輔墓誌銘

淳熙二年十二月

林安之墓誌銘

淳熙二年十二月

邢邦用墓誌銘

淳熙三年八月

潘朝散墓誌銘

淳熙三年八月

第十三卷

墓誌銘

張監鎮墓誌銘

淳熙三年

金華時君德懋墓誌銘

淳熙三年十二月

宋郴州墓誌銘

褚芮氏誌 淳熙六年九月

潘叔度妻朱夫人墓誌銘 淳熙六年十二月

郭伯清墓誌銘 淳熙七年十二月

陸先生墓誌銘 淳熙七年十二月

番陽王安母程氏墓誌銘

金華游玠母陳氏墓

金華時澧母陳氏墓誌銘

第十四卷

傳

東萊公家傳

第十五卷

紀事

入越錄 淳熙元年九月

入閩錄 淳熙二年

庚子辛丑日記

東萊呂太史文集目錄

東萊呂太史文集卷第一

詩

許由福

許由不耐事逃堯獨參寥行至箕山下盈耳康衢謠
謂此汗我耳臨流洗塵囂水中見日馭勞苦如堯朝
堯天接山際堯雲抹山椒誰云能避世處處悉逢堯

清曉出郊福

落月窺甕牖殷勤喚人醒蓐食治野裝行行向郊坰
林端橫宿靄未放羣山青藕花斷復續莫辨浦與汀
初聞露花香一洗塵市腥清景竟難挽晨光著郵亭

八頁文集卷一

八頁

留眼數天際尚餘三四星車塵駕暑氣白汗如翻瓶
涼燠一機耳愠喜誰使令泠然解其會冰壺在中扃

城樓福

城峻先迎月簾疎不隔風棋聲傳下界鴈影沒長空
島嶼秋光裏樓臺海氣中登臨故待晚雨外夕陽紅

西興道中二首

鳧鷖迎船似有情隨波故起綠粼粼野花照水開無
主誰信春歸已兩旬

桑麻張王不知春帝恐鶯花太斷菟東岸紅霞西岸
綠却將景色為平分

晚望信

獨立荒亭數過帆
橫林疎處見滄灣
故知不入豪華
眼送與鳧鷗自在看

春日七首信

江梅已過杏花初
尚怯春寒著萼疎
待得重來幾枝
在半隨蝶翅半蜂鬚

短短菰蒲綠未齊
汀洲水暖鴈行低
柳陰小艇無人
管自送流花下別溪

一云歸時須趁春光
深意却迷

岸容山意兩溶溶
便是東皇第一功
春色平鋪人不
見却將醉眼認繁紅

東萊集

春波無力未勝鷗
夾岸山光翠欲流
若使畫成驚顧
陸更教吟出壓曹劉

絡石寒毛澗底明
春來綠徧小崢嶸
憑誰再續平泉
記爲定芸蘭孰弟兄

一川曉色鷺分去
兩岸煙光鶯帶來
徑欲卜居從釣
叟綠楊缺處竹門開

簷鐸無聲鳥語稀
徑深鍾梵出花遲
日長徧遶溪南
寺未信東風屬酒旗

登八詠樓有感

仲舒舊事無人記
家令風流一世傾
天下何曾識真

吏古來幾許尚虛名

三傳有異政

富陽舟中夜雨

萬頃煙波一葉舟已將心事付溟鷗
蓬籠夜半蕭蕭雨探借幽人八月秋

野步 杭

石梁俯清流苔髮明可數
茅簷春晝長寂寂亭陰午
鳥啼花徑深風絮浩無主
幽人不可親棋聲時出戶

晚春二首

卷地狂風毀晚春
落花蓋水欲成雲
向人不改故時面
惟有蒼官與此君

風絮流花一任渠北窻高卧綠陰初
閉門春色閑中老為謝平生董仲舒

明招雜詩四首

鳥聲報信眠鍾聲報僧起
靜中輕白日邈視東流水
風月有逢迎出門聊徙倚
傳徧南北村松間橫屐齒
前山雨退花餘芳
棲老木卷藏萬古春
歸此一窻竹
浮光泛軒檻秀色若可掬
豐腴當夕餐大勝五鼎肉
牆竹生夏陰風荷留宿露
解衣一盤礴此豈不足付
風簷裊茶煙銅瓶語相泣
清陰一踈箔不礙飛花入

游蘇

遊絲浩蕩醉春光倚賴微風故故長幾度鶯聲留欲
住又隨飛絮過東牆

夏日

階前水樂元無譜簷外風琴不用絃待喚青奴與黃
姝為君極意作今年

鄭武子刪定挽章二首

博洽推諸老曾中幾石渠暮年終反約精義本無餘
義易忘言後楞伽絕筆初長歸應不憾舊學盡成書
古汴豪英海追隨不厭勤塵中識梅福簾下得嚴君

京師賢者多潛隱唯公獨識之培養逢原學堙沈濟
公所從受太玄乃得之於日者

世勲定知千載後下馬董生墳

又二首 代父倉部作

平生丈人行每語盡箴規問字揚雄宅談經董相惟
壺觴陪勝踐杖履及深期誰料南歸日墳前宿草衰
公未陪經幄還應典奉常如何便沈沒不使少翱翔
幽壤千年閉名山萬卷藏升堂多俊彦築室繞高岡
陳庭堅聘君挽章二首

沙尾三家市人聲半米鹽悠然搔短髮及忽此見長髯
觴詠歡初合溪山氣已添豐城埋劍夜太史定先占
大門三世舊是邑兩公同易策它年此鄭公詩筒去

歲空生巖豹隱雨

公集是堂

白馬虎谿風

先隴在焉公數

好在慈因心塔亭亭翠靄中

聖采若府推母錢夫人挽章二首

內助功推冠名成父子間中原遺俗盡舊族素風還
石窳天開邑台門日綴班光華竟何許夕照在西山
歷歷稱觴地悲涼騎省園風枝今日恨露葉去年痕
鸞翫昏遺鏡照枯泣舊軒曲湖春色滿不到北堂萱

葉子山右史父宣義挽章二首

經筵深無底高談一坐傾置身初濩落有子晚光榮
命服鄉閭賀安輿里巷迎風枝何不定忽忽到佳城
諸父烏衣集公時預往還涼秋同出郭勝日共尋山
電掣流年速舟移古岸閑又成丹旄去衰涕不勝潛

寄章心之

章侯平生一詩囊酬風醉月徧四方浩歌姑孰酒淋
浪醉呼太白同壘觴遂登浮玉臨渺茫江濤挾筆益
怒張沙頭倚檣樂未央興闌忽上秋浦航門前槐花
日夜黃閉門琢詩聲繞梁白袍紛紛渠自忙飄然邂
逅非所望自言又厭世鎖韁合眼已夢廬山蒼君才
甚碩氣方剛身雖欲隱文則彰江湖故人半朝行左
推右挽摩天翔而我取翼甘摧藏不能與俗相迎將

徑當行前掃山三
侯君功成還故鄉
却駕柴車迎路傍

送柳嚴州解官趨朝楹

一葉初秋已趣裝
重書屢下駐歸艎
少留北闕三年
最多借西州半歲
強身外寵榮元自薄
眼前凋瘵故難忘
書囊知有朝天草
不是中和樂職章

送宋子華通判長沙代叔祖知錄作

騷人故悲秋
九辨播三楚
宋公舊題壁
文采照潭府
千載得君侯
遙遙接華緒
還當初秋天
又進湖湘艣
當家多勝事
此役可兼取
江山日日新
似若相勞苦

東坡集一

六

木脫獻群峰
雲生失前浦
况持別乘權
光華動徒旅
元戎下分庭
百吏群趨廡
後車載仁風
習習被南土
預知潢池盜
無復驚桴鼓
政當勸賣劍
不必禁挾弩
嶺頭鏡面平
論賞駢圭組
臨分一盃酒
不爲離愁舉

東陽郭彥明挽章

小試威名蓋一鄉
卷藏韜畧付農桑
傳家籤軸書盈
幄擇罇簪纓笏
滿牀置邑萬家開
北域送車千兩塞
康莊正須今代如
椽筆盡發潛光著
石章

幄一作屋

李粹伯侍御母夫人挽章

對仗莪冠日
鯨牙汎九淵
堂萱不改色
萱栢故參天

共識吾君聖今知此母賢丁寧劉子

事一時編

王龜齡詹事挽章二首

諸老收聲盡佳城又到公蒼天那可問吾道竟成窮

旌卷莆田雨蕭橫雪浦風今年襟上淚三哭一作萬

夫雄丙祭酒劉太史皆以今歲下世故云

大使交旃日元戎解甲秋先鳴驚衆寐孤憤壓一作厭

群咻羽翼新鴻鵠聲華舊斗牛斷橋亡恙否落月照

寒流

尚書汪公得請奉祠餞者十有四人分韻

賦詩某得敢字

東萊集一

七

鼎食味苦濃藿食味苦淡同生不同嗜羊棗與昌歎

孰能游其間進退兩無憾尚書古仙伯雅尚本真澹

禁涂履星辰講厦席氈毯將升間槐棘忽去亂葭茨

太清奉虛皇奎壁手可攬舉以華其歸光耀極鈇槩

向來功名人勇進忘坎窞聽誦歸來辭掩耳謝不敢

寧知達士自萬牛眇難撼清風滿後車一洗世氛黷

祖帳將軍園寒枝紅綴糝公歸寧久闊別意不成慘

金華訪舊學和羹待醯醢政恐牧笛清終換街鼓統

送丘宗卿博士出守嘉禾以視民如傷爲

韻

攜李國西門道里去天咫訟庭人摩肩客館前街尾
涼燠變須臾怵聽復駭視心平理自見周道本如砥
堂下萬休戚堂上一笑嚔是心苟不存對面越與秦
豚魚尚可孚况此能言民君看津頭柳葉葉皆相親
奮髯疾抵几解衣徐探雛古來多快士氣吞兩輪朱
簿書高没人迎筆風摧枯自許豈不豪歲晏終何如
折肱稱良醫識病由身傷開府事如麻豈盡昔所嘗
平生老農語易置復難忘麥黃要經雪橘黃要經霜

魏元履國錄挽章二首

麻衣見天子拜疏不知休落落山林氣拳拳畎畝憂

極知千載遇政用一身酬繞舍聞溪水朝宗日夜流

羣公祖踈傳多士送陽城短棹非前約長亭及此行
深留移白日共語只蒼生會續山陽賦鄰人笛未橫

祭酒芮公既歿四年門人呂某始以十詩

哭之

少年把筆便班揚咳唾珠璣落四方歲晚寒窓渾忘
却瓦爐香細雨聲長

際野塵埃撲面來萬人蟻聚撥難開手中杓柄長多

少誓盡飢腸十月雷

公為仁和尉歲荒殍者滿野區區服恤亦有條理

小醉醒日半昏森森赤棒遶籬門慨然投袂無難

色不識從來獄吏尊

公嘗為某道坐詩獄時如此

交廣歸來里巷迎破囊又比去時輕何須更酌廉泉
水夫子胷中萬斛清

殿前拜疏闕羣公獻替從違各異同陞楮諸郎自相
語白頭祭酒最由衷

出祖津頭六館空帽簷齊側掛帆風吳興盛事人能
數直自胡公到芮公

聞人有善已伸眉倒屣傾困更不疑莘莘萋萋竟何
許卷阿空老鳳皇枝

曾懷北海與南溟却要涓涓一勺清相對蹇然如重

客無人信道是門生

壁水經年奉宴居天和襲物自舒徐憑誰寄謝朱公

揆纔向春風坐月餘

朱公揆見明道于汝州歸語人曰光庭在春風中坐一月

先生墓木綠成園弟子摧頽書掩扉大雪繁霜心已
死有時清夢尚摳衣

送朱叔賜赴閩中幕府二首

止戈堂上屐聲閑飛蓋相追杳靄間君到定知難入

眼倚天瀟灑是家山

路逢十客九衿青半是同牕舊弟兄最憶市橋燈火

醉卷南窗北讀書聲

五柳傳觴地風流魏晉前曾探孝先笥慣坐廣文壇
身世渾如夢功名莫問天從今風雪夜不上剡溪船

周表卿尚書挽章

奏篇曾用牘三千晚歲回翔日月邊眼者四朝諸老
盡身兼五福幾人全清臺課曆遺書在畫寢凝香
政傳竹馬館前寒月白當時轍迹故依然

楊信伯郎中挽章二首

象魏三千法瀛洲十八人南宮占列宿少海近重輪
聞道清羸極猶能職業親榴皮餘屋壁零落獨無神

見文集一

十一

卷之三

並舍游從舊同朝分義深時時墜書札得得到山
北去先移棹南來後去盡蒼蒼死生離合地搔首一悲吟

前歲其還朝
公方去國

蔣世修祕書父朝奉挽章

太一青藜子舍光命書頻歲到高堂深居物外風煙
老靜看人間日月忙繞舍圖書千載韻映塔蘭王四
時芳逝舟休歎東流水餘慶源流衮衮長

蘇仁仲計議稅章二首

當棲略具便休官帝遣湘輪喚不還大似文元居道
院又如退傅過香山夢回帷幄青冥上

嘗為密院
計議官

風波浩蕩間增向

中有榮辱那能八十鬢

毛班

登門疇昔奉從容
藝越之間一水通
今日江東無賀
老去年牀下拜
龐公舊志不論議
多遺落
新出傳聞或
異同已矣從誰判一作辨直
雁貫汗青連屋未施功

向運使挽章

戟衣讎戶映庭槐
使節州符未展才
文獻定知丞相
似淵源還自洛陽來
異端惑世濃於酒
古學違時
若灰從此湖人識
喪禮凜然治命手親裁

酬上饒徐季益學正

東坡先生集一

吾家紫微翁獨守固窮節
金鑿罷直歸朝飯尚微
莖我我李杜增總角便高躡
暮年自誓齋銘几深刻
名章與俊語掃去秋一葉
冷淡靜工夫槁乾迂事業
有來媚學子隨叩無不竭
辭受去就間告戒意尤切
典刑自著老護持何敢闕
嗟予生苦晚名在諸孫列
拊頭雖逮事提耳未親接
徐侯南州秀少也嘗鼓篋
示我百篇詩照坐光玉雪
因之理前話講繹霏談屑
兩都弟子負家法嚴城堞
取善則未周守舊猶有說
同門風雨散孤學絲桐絕
懷哉五馬橋寒迳尋遺屨

同門風雨散孤學絲桐絕懷哉五馬橋寒迳尋遺屨

朝人物盛諸何壽母滿然樂事多堂下無憂
天邊有信桂交柯黃金簪鬢經方重白玉樓成恨
未應空誦安仁舊時賦版輿零落故山阿

仲子以文稱而先逝

東坡先生

夜宿浦城魚梁徐刪定子出示林謙之挽
其父二詩時謙之方按刑廣東有懷次韻

五年不談空山雨今夜魚梁著釣船為問故人今健
否桃柳葉暗瘴江邊

兩章宛轉復清哀讀到魚梁首重迴便使短牋無姓
字也應知自艾軒來

艾軒詩修文巷裏暮春前欲上旗亭送客船忽有短牋無寄處

魚梁却在疾痕邊忽然白晝自生哀立馬橋東喚不更驚起何波理殘夢十年燈火上心來注云次章建夢中所見何使君文舉為同舍生蜀人以波呼之猶言文人也

題劉氏綠映亭二首

涼葉翻翻不受塵芒屨藤杖及清晨開窗小放前溪
入澄綠光中獨岸巾

鷺浴魚跳在鏡屏搖青浮碧太鮮明墻東種得陰成
幄隔葉看來却有情

題歸菴

雲壁開蒼峽風林卷翠濤諸松皆老大一嶂獨孤高
發興雖公等尋幽許我曹秋光端可賦不是楚人騷

王通直挽章

近來南國家半是北人墳異縣誰憐我同鄉又失君
深居傳雅尚堅坐挹清芬日落長安第三槐拂暮雲
駟馬高車照路光幡然改轍興何長空山猿鶴驚無
恙同社雞豚樂未央祇見歲華來冉冉不知耆舊去
堂堂北邙道上麒麟冢誰得歸休十載強

劉梧州挽章

許著作挽章

清文麗藻百川增窘步追隨愧不能麟趾差肩臺岌
岌鴈飛聯翼塔層層葦鱸歸興都門酒薤露悲歌大
隧燈獨向梁間誦遺句寒松衰菊繞峻嶒

東萊集一

八一三

次韻葉丞相陳尚書游南園

樂事良辰古所難三分春色一分寬潤花雨過紅裙
濕倚竹風斜翠袖寒自有南堂誰舉白可無東綰爲
施丹兩翁醉墨曾題品便作平泉草木看

宣城李君嘗遊東湖居士之門袖詩見過

次韻以謝

人去湖空古豫章溪蓀水荇換年芳聞風我是通家
舊覓句君猶弟子行鬚髮蒼浪休歎老齒牙沉瀝尚
生香宛陵自昔詩人國今日誰升小謝堂

何叔京挽章二首

濮州以諫死何氏得其真天下中庸義人間父子親
再傳猶易簡小出復遂巡埋骨雖南土傾心尚北辰
傾蓋黃亭夜脩然澗壑姿倚天唯直榦到地絕旁枝
亶亶今何許悠悠只自知寒碑卧風雨千載有深期

魯少卿挽章

慶源衮衮接天流老桂傳香次第秋人物西都九卿
選光華南國十州遊脩然徑下滕王閣已矣長懷范
蠡舟身後楚騷誰著錄靈光舊草合兼收

王文考逸之子作靈

光賦而天宗
教君實似之

蕭果卿祭酒挽章二首

虛心觀世態實行播鄉評璧玉中邊厚冰壺表裏清
家聲到蕭傳人望似陽城殄瘁無窮恨湘江日夜傾
摩揣誠斯薄雕鐫質自銷平生但真樸直上絕枝條
氛霧終澄霽丘山亦動搖朝陽舊時鳳聲入舜簫韶

送喻叔奇通判會稽

鳴騶前日餞出使椎鼓今日送作州會稽別駕官尚
薄道傍羨者何其稠版輿有親餘九十東南之美供
甘柔先春鑄牙入午啜破臘箭茁充晨羞况復詩壇
執牛耳所至風月相獻酬千巖萬壑徧題品會有采

者人名道

與同館遊張氏園分韻得日字

出門厭囂塵入門倦佔畢駕言城北園滯思頓覺失
方池環脩篁廣陌徭行栗先雪梅已苞後霜草猶茁
上躋極高明旁穿復深密主人真喜事秀句屢盈帙
招呼文字飲及此三餘日山林與鍾鼎零茂本非匹
斯遊豈偶然書板記甲乙

送胡子遠著作知漢州分韻得行字

定交不在蚤意合蓋已傾胡侯西南來兩載同書檠
與人徐有味於世初無營虛舟澹容與未易寵辱驚

三四二

東萊集

四十五

昌洪

魚龍同一波中有千丈清道氣自深穩名言常簡明
南宮接東觀天衢勢方亨夢回得遠信窺簷渚鴻鳴
開書見連環歸興浩已盈子政方校錄令伯俄陳情
都門日轂擊雜襲炎涼并誰知此麾蓋獨爲思親行
夾道皆歎息始識真重輕古來聚散地雪野天崢嶸
別袖不可挽宿昔洲渚生君臣有大義忠孝相持衡
勉哉赫明德清廟須棟甍

薛叔雲左史母方夫人挽章二首

彤管傳貞範形容欲付誰初年柏舟賦晚歲艾軒詩
金下赤蟬菊中稱壽母不獨蔡三司

往在西雍日從容許拜觀杏花壇壇古書尊尸庭春
曾是升堂客應爲執紼人壺公天一角吹淚洒車塵
端明汪公挽章二首

異時憂世士太息恨才難每見公身健猶令我意寬
彫零竟何極回復豈無端此理終難解天風大隧寒
四海膺門峻親承二紀中論文從父祖受教自兒童
山嶽千尋上江河萬折東微言藏肺腑欲吐與誰同
趙路分挽章二首

魯衛封雖近原顏室自貧一家唯四壁九族自三春
子舍龍頭貴佳城馬鬣新升堂如昨日南望涕沾巾
晨昏生死際至性極民彝巨孝東都傳劬勞小雅詩
固應爲世表何止秀天枝令子傳遺緒纍然不自持
陳能之少卿挽章二首

往在西臺日調娛用力艱善人終有恃公道亦徐還
旣去言方白重來鬢已班清名配詹事千載赤城山
二父官曹接諸郎硯席通流年何鼎鼎見日每匆匆
馬走誰憐我麟書近得公又成交臂失楚些鏗聲中

恭和 御製秋日幸祕書省近體詩

麟閣龍旂日月章中興再見赭袍光仰觀焜燿人文
始識扶持德意長功利從今半管晏浮華自昔陋

盧王願將實學疇天造敢効明河織女襄

賀 車駕幸秘書省二首

麟臺高柳識雕輿共記中興幸省初黃道再傳天子
蹕青編重八史臣書需雲下際君恩盛晨露高張樂

節舒若寫鳩猷參大雅定非周鼓頌四漁

紫清丹極與天鄰闔闢乾坤繫笑頰獨爲斯文回一
顧坐令吾道重千鈞先王舊物參差見列聖明謨次
第陳墨客區區感榮遇豈知深意在彝倫

東萊呂太史文集卷第三

表

代倉部知黃州謝表

提邊符而乘障愧非禦侮之材佩郡紱以長民莫不
 承流之寄撫躬跼踖泣事凌兢中謝竊以群萬國之
 與圖大一王之統御地分遠邇之別政有先後之差
 緊牧守必得夫循良則黔黎庶底乎康乂睠惟小壘
 介於長淮雖事簡而俗醜實望輕而責重登覽故迹
 多名勝嘯詠之餘參考則聞亦豪傑馳驅之舊肆求
 共理必東異能如臣者天拙孤蹤凋殘遺族冥心造
 化已絕意於紫青屈首河書第研精於朱墨偶濫塵
 於論薦遂誤昇於蕃宣白揣庸虛若為稱塞此蓋伏
 遇 皇帝陛下錫天勇如受命溥將日月光華悉在
 照臨之下乾坤高厚咸仰仰覆燾之中凡茲銅虎之盼
 尤謹玉關之戍曾何疎心心亦預選掄臣敢不宣布詔
 條輯寧同里挈守守器誓誓力保於封陲毀瓦畫墁敢
 坐縻於廩祿

代倉部知池山謝表

淮塢棄障初無四圍之山江表干城復玷承流之寄
 甫祇職業參布四條中謝 伏念臣繆膺世賞之延濫

綴官聯之末投身一散降命奇窮曩隨牒以戍邊通
傳烽而儆備當武馬之侵軼屢瀕至危賴王師之奮
張卒獲自保偶遊龜禧之毀復玷魚符之分別池陽
之輿區乃江表之重地干戈載戰則必佩服包桑之
戒兵農雜居則必洽比細柳之惠匪時閱材疇荷隆
委此蓋伏遇 皇帝陛下剛健中正齊聖廣淵賜十
行之書留神萬國考三載之績久任官師自驚留落
之蹤亦預使令之列臣敢不悉循侯度祇若政經輯
寧凋瘵之餘咨度弛張之要道上德意如瞻咫尺之
光同衆戚休敢顧斗升之祿

代叔父知南一軍謝表

職方之籍甫列附庸空一卑之章乃容專達恩既均於
錫土誠後敢於籲天中謝惟領下之小邦實江西之
窮處庶傳摺南北之會皇崇稍積前後之增民力凋殘
無以追隨他郡地望累皇得不足搖動有司既弗克勝
復難自勦秩居人後憂在衆先如臣者聲迹至微技
能甚短折肱州縣雖險阻之少嘗屈首簿書顧神明
之已耗晚推遷於官牒諛界付於守符若為拊摩以
稱臨遣此蓋伏遇 皇帝陛下聖下敷施鴻化不冒上
堯邦選侯方旁一於一考圖一或貢亦罔聞於一

凡有識知同歸實情臣敢不布宣詔令遵奉教條尺寸之膚護養何裨於大體斗升之水涵濡終覲於餘波

代叔父知南安軍謝 太上皇帝表

小壘漂搖濫受拊摩之責清都闕遠遠傾就望之誠被飾忱辭冒聞淵聽中謝睠焉敝邑控彼荒陲大江之南朝貢雖數千里中興之後生聚餘五十年誰諭民編俾知帝力如臣者置身冗散游世竒窮蚤厭干戈微悟息兵之深旨晚觀詔令稍窺更化之闕規誓與疲癯共安易簡恭惟 太上皇帝陛下妙參乾始三百四十五靜蹟道原間燕齋心自得大庭之館監觀孝治不遺小國之臣太極開先萬生並育臣幸同遐俗親見淳風雞狗相聞際粟陸赫胥之盛牛羊考牧皆車攻吉日之餘

代舅曾史君知筠州謝表

九畿星拱並受詔條萬乘天臨誕敷宸指雖陋邦之代匱亦德意之親承具以聖謨告于裔土中謝竊以舜門穆穆輯瑞以朝諸侯湯網恢恢受球而綴下國思皇盛旦率履舊章肆勤前席之咨溥及左符之寄腹心屏翰臂指豪英凡拜賜於朱罇或觀元戎丹雘

如臣者至謏而拙甚愚以諫弓箕久負於家傳籍籍
偶逃於官謗長江右壤筠水附城盼竹使以承流已
過斗升之量款楓宸而錫對幸瞻咫尺之顏此蓋伏
遇 皇帝陛下濬哲文明剛健中正下天上施酌民
瘼以廣求小紀大綱收主威而總攬邈在河山之外
皆如廉陛之前臣敢不遵奉章程慰安黎庶惇行教
化漸消珥筆之風格守部封少効挈鉉之智

代舅曾史君知廣德軍謝表

厲精之朝嚴於置守坦明之訓飭以臨民佩天語以
在塗參王風而問俗中謝竊以大江之右一障甚微
行闕之旁九畿莫近地輕而責重賦寡而費多指日
待糧皆尺籍伍符之舊無時致餽當大車駟馬之衝
紛罷遣之相仍凜支持之不暇誰與領此厥惟艱哉
如臣者受性顛蒙降材謏薄東西隨牒飽郵傳之風
霜旦暮坐曹老簿書之歲月豈期末路驟試小邦茲
蓋伏遇 皇帝陛下齊聖廣淵剛健中正輪運輻集
合華夏以來王綱舉網踈總方維而受職矧在封圻
之內實同廉陛之前臣敢不遵奉詔條慰安閭里挈
鉉假器誓殫守邑之勤毀瓦畫墁少答食功之義

代倉部知吉州謝表

竊罪倉曹無裨邦計分憂江國尚玷藩條丁寧臨遣
之榮怵惕拊摩之責在官甫始拊已載兢中謝維是
廬陵介於楚甸土膏而人瘠物夥而俗貧萬室連甍
剽奪時鳴於桴鼓千艘銜尾轉輸日困於舳艫匪時
通材疇荷隆委如臣者賦資謏薄涉世闊踈兩郡民
編蔑矣慰安之效二年省掾居然尸素之慚亟求襍
被之行復與剖符之寄力綿識眊責重事叢惟仰恃
於乾坤或俯資於塵露茲蓋伏遇 皇帝陛下配天
立極繼聖御圖恢舉閔摹網在綱而不紊操持大柄
臂使指而必從雖遠在於江湖猶近臨於軒陛臣敢
不布宣詔令懷輯里閭急効近功忍自謀於寵利深
根固本誓勉盡於拙誠

為張嚴州作謝免丁錢表

奏牘既外方虞聞罷免符亟下稍示復除曷賤悃之
遽伸本至仁之易感中謝惟嚴為郡介國之隅呻嘆
謳吟宜朝傳而書有達撫摩涵養當月裕而歲豐孰知
凋瘵之餘尚困心恤租之重疇先民瘼最甚丁徭自古
邦家惟欲編氓之繁阜于今閭里反憂孫子之衆多
皇明豈忍於遐邇四下吏未聞於控告而臣過以謏薄

一顧是鴻雁

飛親見款款之新

誠言謂瑣微聖蒙開可此蓋伏遇 皇帝陛下

下監觀 邦本懷養治原制賦欲均期復大禹九州之

正施仁右有漸姑從文王四者之先雨露旁流槁乾膏

浹臣敬懼厚澤下逮窮民觀其拜賜之時猶有乞憐

之意既苦切深恤得少愒於今年終覲大恩俾盡夷於

勞郡

一為虞丞相作辭冊寶進封增邑表

至德要道煥丕冊於貴文厚賞薄功下昕廷之渙汗

忱辭既貢淵聽尚高中謝竊以尊親者禮之隆養志

者孝之實雖百王之未舉用以揚名必萬物之咸和

始為錫類將增光於鴻業當諉屬於近司如臣之愚

受責宜最所憂吁咈督熙載之庶尤敢意寵嘉錄相

儀之微効矧命秩建邦之異數非疇勞懋賞之常科

伏望 皇帝陛下稽用邦彛惠綏人欲謂奉承慈極

不專典章容物之間則期望弼臣豈止賓替擯承之

末亟收還於前詔以飭厲於後勳再用控誠迄期得

請

為梁參政作辭冊寶轉官表二首

奏牘升聞妻干聰聽詔函寵答尚闕俞音輒忘難犯

之威敢述終辭之義中謝伏念臣志雖許國材不逮

人高位難居又弗勝於桓桓厚恩未報姑少緩於乞
身若繇慶典之成重拜明明之渥既躡崇秩復荒大
邦則異時避寵之言皆爲虛語平日惡盈之戒自負
初心苟必強之受而納之必具敦若聽其辭而全其守
伏望 皇帝陛下俯矜懇款深體精誠察其累疏之
陳非敢片詞之飾九關霄漢儻籲告之莫通一舸江
湖將歸休之繼請

顯冊昭融光于二典需章慳款閱以九關不勝墜谷
之憂嗣上循牆之請中謝伏念臣起繇賤濫與幾
微肆惟竣事於明裡並奏鴻名於慈極職是討論之

重獨出鼎司凜然繪畫之難莫窮坤載敢圖詔綽槩
陟官聯歷考前聞邈無近比欲展終辭之微志敢循
再瀆之常科崇聽益高奏封復却雖隆威之難犯覲
拙守之獲伸伏望 皇帝陛下鑒厥忱誠體其控訴
厲彌諧之廉耻用振四維改慶賜於英材以全三樂
曲收成命少穆師言

爲虞丞相作辭郊恩表

恭時均釐澤覃無外路朝敷命寵及罔功不勝墜谷
之憂敬致循牆之請中謝竊以大臣之義固非飾小
以爲廉國典之常亦難徇一夫而違衆既郊而齊

於古有稽敢為喋喋之忱辭將頁惓惓之愚慮為臣
不易當翼厥后以思艱惟天無親實監有邦之敬德
儻自安於居寵斯大庆於協恭伏望 皇帝陛下寅
畏以荅天休隆寬以從人欲與其盡循故事為邦家
焜燿之光孰若少抑近司示君臣兢懼之實度或上
助持盈之治豈徒私逃招損之危

為梁參政作辭郊恩表

天命匪解載儲滋至之休地道無成彌懼大來之福
敢辭婁瀆尚真終從中謝伏念臣父以瑣材辱於宰
枋內積食浮之愧豈獨危身仰思覆餗之憂將難報

東萊集二

國於昭明祀克相盛時顯若顯承皆羣工之禱肅穆
然昭假本上聖之寅恭顧慙老臣曾何報効通颺渙
汗之號迺增湯沐之封誠懼雖殫俞音尚闕伏望
皇帝陛下俯矜拙守博采師言紓其負乘之慚茲此
告廷之渥雖多邑不惜固仲尼愛繁纓之心然足欲
故云亦晏嬰辭邺殿之義

為宰臣作端誠殿賀南郊禮成筭記

事泰壇揚八鑾而返軫受釐皇邸旅萬玉以充庭
皇帝陛下對越穆清肅肅以展心之
茲熙事之成陳安止謨念幾康而昭進敬之

戒盜匪降於顯恩

為尚直講中慶王辭請

有命自天被寵靈之特異無功

義所當辭言非敢飾

量進依日月之光但私

聞常憂居養之移易忽

寵數彌加微橫草之効而

稱而兼節鎮備藩翰是皆

顧於揚庭乎號之時猥及

寒士而邊外必有服勞於

均之臣庶籌量至熟慊請

從欲之仁俾安愚分察由

之不行則衆心之自服

為尚直講作慶王生皇孫錫名謝

太上皇帝表

列第環宮方極奉承之樂

鳥奕觀瞻凌兢佩戴

能趨魯國五名類僅稱於

矧惟錫美稱於冕旒此

視穆清游心昭曠魏魏

承爰篤曾孫之慶願弼成於幼學用克對於鴻私

為芮直講作慶至一生皇孫錫名謝

太上皇后牋

溫清承顏慈極夙承於椒屋焜煌發命光風初轉於
蘭芽吉語甫傳微躬載惕中謝竊以元氣兩儀之運
資始資生天枝四葉之祥以嗣以續慶流繁衍爵及
攜持此蓋伏遇 太上皇后殿下德冠河洲化孚宮
闈周邦胥喜惠既篤於曾孫晉錫用蕃福本承於王
母願益開於蒙昧庶仰荅於坤元

為梁參政作乞解罷政事表二首

懷款婁聞危衷已竭瞻存雖渥鄙守難移盡布精微
仰祈原省伏念臣起於草布職是機衡進則有未報
之上恩豈容苟去退則有難酬之重責安敢自私使
其筋骸粗可鞭策或以識慮短淺而逢尤悔或以舉
措乖謬而干譴何亦既冒居皆不敢惜今乃足痾重
臆目視茫洋蓋表著之所共瞻而冕旒之所親見如
州縣官曹之末若簿書期會之間小有罷癘隨即汰
斥而塊然衰疾据此崇嚴略貴而問卑置近而治遠
恐凡被譴之士皆且指臣為辭雖欲示恩乃妨責實
伏望 皇帝陛下曲留聰聽俯鑒忱誠念臣所陳者

繫國體之重輕察臣所求者匪身謀之安佚特捐祠
廩俾解政涂則臣當收召精神被除痾疹已誓異時
之糜殞不惜捐軀用明今日之逡巡本非避事

誠懼外聞所期得請温言賜却未即報俞進忘難犯
之威仰顙蓋高之聽伏念臣氣昏質弱材薄慮疏聞
國論之幾微坐彌三戰問政涂之謗寄何補一豪慚
愧相乘疾疹交作時然瞻視於文牘而已艱憊矣步
趨雖會朝而猶懼流冬浸劇與日俱增引大體而經
遠猷素非所及效小動而躬細務今又不能若復自
安可謂無耻游歸誠而控懇覲從欲以閔憐公其尸

東萊集

韓公補

曠之誅豈容善罷以奉承之舊尚許免歸林迫之
誠單竭於此伏望皇帝陛下至明燭隱大度包荒
若愛其去而積其術必難覆護惟遂其誠而解其責
乃盡始終賦以真還之故里則臣憂危既釋衛養
可專假其休惕之少加砭劑付以煩勞之事敢憚
驅馳

為汪回作知平江府謝表

隆委難勝期於顛鴻私曲被遺以便安分書殿之
榮光借侯藩之壯度越常典昭明異恩中謝伏念
際會兩朝推後紀爵人倫於始願學海有

一載從蜀道之歸而一冠禁涂之遠經帷詞禁史
持凌瘁之孤身若一高華之極選志凋氣餒日慚
守之隳責厚憂深且口有簡書之畏眚災狎至疾疹相
乘斬外假於郡章謂遠收於朝蹟睽茲茂苑近在脩
門置身未外於函關顧影忍違於文陛此蓋伏遇
皇帝陛下聖神立極中正體乾宇萬物以兼容陶成
周間品羣材而並用一陟降無私眇然眷履之微假以
蓋帷之施臣敢不播山效詔令懷輯里閭增主之明履
任莫追於前悔務民之義疚心尚補於夙愆

為韓尚書作知建寧府謝表

輔郡罔功方籲天而滌正懇潛藩非據乃易地以疏恩
優假至深凌兢曷已中謝伏念臣奮繇平進親受異
知參言語侍從之流曲迴逢厚其責獻納論思之効稱
塞欽然假寵清廂分直以近旬拊摩無術幸及於食新
全度有加訖蒙於念茲旨惟建溪之作屏實代邸之啓
封屬此巧閑眷焉改田乃官游未遠驅馳尚記於壯時
民力已殫凋瘵頓殊以前日姑勉圖於綜理恐終負
於使令此蓋伏遇 白 皇帝陛下明燭萬微惠綏羣獻
本末輕重咸歸統御之中小大短長不出範圍之外
顧如衰鈍亦獲使安且敢不上體曲成益思盡瘁上

風里俗雖粗識其二三王澤國章曷布宣於萬一
禮部代宰臣以下進 三祖下第六世仙
源類譜 仁宗皇帝玉牒畢賀表

天發慶源衍皇支而有永國嚴大典章烈祖於無疆
今日載燭上儀交舉中賀竊以建邦啓土胄本出於
神明扶世導民德實參於化育厚裔苗之憑藉培運
曆之靈長炎宋肇興上通元造昭陵在御專以至仁
垂光覃被於雲來流澤涵濡於億兆厥開真主並輯
曠文譜增屬籍之華牒冠史臣之錄發揮昌緒見大
宗小宗之蕃中載宏綱示特書屢書之重源流綜貫
典冊宗成繇宣祖以來咸星羅於霄極若明道而後
實日靖於鴻圖振振信厚之風皞皞泰和之治銀潢
滉漾玉版閔嚴千八百國之封先乎異姓五三六經
之籍展也同符懋鑠厖洪函生閭懌恭惟 皇帝陛
下隆恩睦族駿惠紹基帝繫繇延監枝葉本根之輔
皇猷渾灑思規模槩矱之遵式是不彛對于華旦臣
等參聯庭窠親覩邦祺聖統聿傳陋柳芳永泰之譜
休聲遠繼賡石介慶曆之詩

代宰臣以下進 三祖下第六世仙源類
譜畢賀

太上皇帝表

清都終闕固高視於羣生寶系璿源實仰資於太極
告成典冊垂裕仍雲中賀竊以顯穹生民濟發皇宗
之盛丕天大律於昭帝繫之嚴顯允熙朝肇開聖統
德隆澤厚命旣僕於萬年曾遠族蕃譜方登於六世
戚疎區別昭穆派分雖國論民言不至齋心服形之
地然宗盟家政猶關問安視膳之時爰練日以龜從
咸望雲而鼇抃驩騰需牘慶集叢霄恭惟太上皇
帝陛下淵靜化元希夷物始大綱授舜旣蕩蕩以無
名九族睦堯本親親而有叙光宅穆清之邃具膺蕃
衍之祥臣等幸際休辰與觀盛事中興功業斯于詠
輯於弟兄百世本支陳錫永觀於孫子

代宰臣以下賀 車駕幸祕書省表

東觀書林久徠漢儀之觀西崑策府載瞻周馭之臨
嗣二紀之閔摹軼百王之盛節中賀竊以斯文宗眷
與世降升自我祖宗嚴載籍萃藏之地于時典冊雖
乘輿游幸之書從容箴誨之求廣大峻良之聚炎圖
再造華省一新爰親御於右文用仰繩於前武重明
善繼太極丕承乙乙之牘陳念初載網羅之不易昕朝
班入思中興儲養之有原乃臨三館髦彥之躔乃展

列聖圖音之奧帝暉下矚光榮河溫洛之藏天藻昭
垂跨過沛橫汾之詠湛露示醇醲之惠承雲宣純繹
之音一日萬幾曾靡齋居之暇九流七略獨煩清蹕
之留蓋以恢稽古尚德之風夫豈爲飾治樂成之舉
聲明布濩慶澤汪洋恭惟 皇帝陛下秩叙邦經裁
成王度多聞將來建事旣惠顧於簡編大身所以養
賢復均盼於肴醪士心興起雅道流行臣等服在具
僚身逢昌會第從臣之頌敢揚厲於鴻休近天子之
光請具宣於德意

代宰臣以下謝賜冬衣表

觀天四序斂一歲而成冬稽國九經與羣臣而同體
趣頒商箚下逮周行中謝恭惟 皇帝陛下不冒羣
工誕敷洪施當未明求衣之際穆若有懷顧大寒索
裘之時凄其將至乃申舊典以示深仁臣等屢被君
恩糜捐邦賦仰思報上傾星辰拱北之心俯念裕民
斤杼袖大東之詠

代宰臣以下冬至賀表

七政上齊協璣衡於景至九儀下辨旅圭璧於陽生
休氣函蒙浸容飭備中賀恭惟 皇帝陛下道原皇
極化浹泰和天地之心玩羲文而來復日月所照觀

萬正而徧頌同軌同文時萬時億臣等蹟汗班綴日
睇陛康南面而朝羣臣雖亞歲彝章之舊比鄉而壽
慈極實熙朝慶典之新

代宰臣以下冬至賀 太上皇帝表

羲馭迎長曆既傳於大舜魯臺書瑞雲咸望於帝堯
凡厥含生胥爲善頌中賀恭惟 太上皇帝陛下妙
參三極高蹈百王游物之初坐毓滋萌之彙御氣之
辨默符亨長之陽順履休辰備膺純嘏臣等俯借羣
品仰跂太清本本元元起數載推於一復父父子子
並明永協於兩離

代宰臣以下賀雪表

皇極之主疇既叙於時寒豐年之冬兆先占於積雪
繽紛六幕貫冒九圍中賀恭惟 皇帝陛下綏靜嘉
師財成元化嚴凝西北歛義氣以方升疆理南東瞻
同雲之已合瑞呈禹甸喜溢堯衢臣等幸際昌辰欣
逢休應授簡而居客右雖慙梁苑之辭爲樂而與民
同請上齊官之對

代宰臣以下賀 太上皇帝雪表

蠖濩嬋娟穆若清都之邃聯翩飛洒曷然豐歲之祥
璀璨宸居昭融休氣中賀恭惟 太上皇帝陛下默

玉燭高眠珍臺成性存存維 觀於虛白為衆父
父未庸釋於黎黔顧圭璧之錯陳曉倉箱而載懌臣
遊居下土絕跂寥天游藐姑之山既瞻冰雪占曾孫
之稼豫慶茨梁

代宰臣以下謝賜喜雪宴表

同雲雨雪南山已詠於豐年湛露晞陽北闕載開於
華宴先生觴豆澤波簪裾中謝恭惟 皇帝陛下昭
受天休鑿觀民阜醴泉甘露靡容太史之書旨酒嘉
肴獨侈農夫之慶凡陪鎬飲咸識堯心臣等濫列垂
紳喜均側弁一之日二之日既沐洪恩千斯倉萬斯
箱行觀嗣歲

代宰臣以下會慶節祝聖道場開啓疏

受命降康本乾坤之純佑祝釐歸福亦臣子之精誠
前占出震之期敬致後天之祝 皇帝陛下伏願具
膺三樂誕保九圍合岱嵩衡華之高登崇壽紀接虞
夏商周之統光大皇圖

蒲散疏

中興初建於一元是基景命陽月肇先於三統厥啓
昌期天示休符人歸美報 皇帝陛下伏願膺圖有
神歷無疆垂堯舜之衣裳水承慈極復文武之境

土坐集駿功

進功德疏二首

奉玉卮於十月適當誕聖之辰上金鏡於千秋共罄
愛君之志襲邦家之休懿極海宇之頌祈 皇帝陛
下伏願翕開儲祥穆清凝命泰元授筮宣昭億載之
符無逸獻龜跨軼三宗之壽

七政璿璣占瑞肇開於漢朔千秋金鑑獻規思輯於
唐臣率時同宇之誠迓續後天之筭 皇帝陛下伏
願仰承帝則俯畏民畀御無逸之篇極嚴恭而得壽
對不違之命本聖敬以滋休

進所編文海賜銀絹謝表

右臣今月四日承中使李裕文宣諭 聖旨以臣所
編文海精當賜銀絹三百疋兩者奏篇無取錫命有
加既叨中祕清切之除復拜內府便蕃之錫人微恩
厚感極涕零茲蓋伏遇 皇帝陛下聖學高明章
淵懿粲然衆作思採撫以無遺藁爾小臣懼討論之
不稱已逃罪戾仍被眷私抱慙懷鈇曷副右文之意
賜金增秩徒慚稽古之榮臣無任

